

ՀՀ ԿԱ պետական եկամուտների կոմիտե

Հարկային և մաքսային մարմինների գանգատարկման հանձնաժողով

Ո Ր Ո Շ ՈՒ Մ 1/5

13 հունվարի 2017թ.

Քննարկվեց «Սմբատաբերդ» ԲԲԸ գանգատը ՀՀ ԿԱ ՊԵԿ Սյունիքի տարածաշրջանային մաքսատան պետի կողմից 18.11.2016թ. կայացված թիվ 48, 49, 50 և 51 որոշումների դեմ:

«Սմբատաբերդ» ԲԲԸ գանգատում բերված փաստարկները.

«Սմբատաբերդ» ԲԲԸ-ի տնօրեն Մամիկոն Կարապետյանը 19.10.2016թ. թիվ 20 որոշմամբ ենթարկվել է վարչական տույժի՝ նախազգուշացման, 2016թ. սեպտեմբեր ամսվա վիճակագրական ձևը չներկայացնելու համար: Որոշումը ստացել է նոյեմբերի 17-ին: Այդ ժամանակ նա տեղեկացվել է, որ 2014թ. ապրիլի 23-ի թիվ 447-Ն որոշման հավելված 2-ով Ապրանքների փոխադրման հաշվառման վիճակագրական ձևը պետք է ներկայացվի մինչև ապրանքների փոխադրման ամսվան հաջորդող ամսվա 10-ը: 2016թ. հոկտեմբեր ամսին ընկերությունը ունեցել է թվով չորս ապրանքների արտահանում, որոնց վիճակագրական ձևերը սահմանված ժամկետում չեն հանձնվել: 2016թ. նոյեմբերի 26-ին ընկերության տնօրենը ստացել է ծանուցագիր՝ կից ուղարկվել է ՀՀ ԿԱ ՊԵԿ Սյունիքի տարածաշրջանի մաքսատան պետի կողմից 2016թ. նոյեմբերի 18-ին վարչական տույժ նշանակելու մասին թիվ 48, 49, 50 և 51 որոշումները:

Յուրաքանչյուր որոշման մեջ նշված է, որ Մամիկոն Կարապետյանի կողմից չեն կատարվել վերոհիշյալ օրենքով և կանոններով սահմանված պահանջները, 2016թ. հոկտեմբեր ամսվա չորս հատ վիճակագրական տվյալներից չորսը չեն ներկայացվել, որի համար տուգանք է նշանակվել 169-րդ հոդվածի պրիմ 2-րդ կետով՝ 50.000 դրամ: Արդյունքում նույն հաշվետու ժամանակաշրջանի համար, նույն մարմնի կողմից ընկերության տնօրենը տուգանվել է չորս անգամ՝ ընդհանուր 200.000 դրամի չափով:

Վարչական իրավախախտումների վերաբերյալ ՀՀ օրենսգրքի 35-րդ հոդվածի համաձայն, եթե անձը կատարել է մի քանի վարչական իրավախախտումներ, որոնց վերաբերյալ գործերը միաժամանակ քննվում են նույն մարմնի (պաշտոնատար անձի) կողմից, տույժը նշանակվում է առավել լուրջ խախտման համար սահմանված սանկցիայի շրջանակներում: Այդ դեպքում հիմնական տույժին կարող է միացվել կատարված իրավախախտումներից ցանկացածի համար պատասխանատվության վերաբերյալ հոդվածներով նախատեսված լրացուցիչ տույժերից մեկը:

Ելնելով վերոգրյալից՝ գանգատաբերը խնդրում է վերանայել հոկտեմբեր ամսվա համար նշանակված տուգանքների քանակը:

ՀՀ ԿԱ ՊԵԿ հարկային և մաքսային մարմինների գանգատարկման հանձնաժողովի եզրակացությունը.

ՀՀ ԿԱ ՊԵԿ հարկային և մաքսային մարմինների գանգատարկման հանձնաժողովը (այսուհետ նաև՝ Հանձնաժողով), ուսումնասիրելով սույն գործին առնչվող նյութերն ու ապացույցները եկավ հետևյալ եզրակացության.

Քննարկման ընթացքում նշվեց, որ ՀՀ ԿԱ ՊԵԿ Սյունիքի տարածաշրջանային մաքսատան պետը, քննության առնելով «Սմբատաբերդ» ԲԲԸ տնօրեն Մամիկոն Կարապետյանի կողմից վարչական իրավախախտում թույլ տալու փաստի վերաբերյալ

նյութերը պարզել է, որ 2014թ. ապրիլի 23-ի թիվ 447-Ն որոշմամբ սահմանվել է Հայաստանի Հանրապետության և Մաքսային միության ու Միասնական տնտեսական տարածքի անդամ պետությունների միջև փոխադարձ առևտրի վիճակագրության վարման կանոնները: Համաձայն նշված կանոնների արտաքին տնտեսական գործունեություն իրականացնողի կողմից վիճակագրական ձևը ներկայացվում է բոլոր ապրանքների համար՝ իր գրանցման վայրի մաքսային մարմին՝ ոչ ուշ, քան ապրանքների առաքման (ստացման) ամսվան հաջորդող ամսվա 10-ը:

Ելնելով վերոգրյալից և հաշվի առնելով այն հանգամանքը, որ «Սմբատաբերդ» ԲԲԸ տնօրեն Մամիկոն Կարապետյանի կողմից չեն կատարվել վերոհիշյալ օրենքով և կանոններով սահմանված պահանջները, այն է՝ 2016թ. հոկտեմբեր ամսվա չորս հատ վիճակագրական տվյալներից չորսը չեն ներկայացվել, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 254 հոդվածով և 169²-րդ հոդվածի դրույթներով ՀՀ ԿԱ ՊԵԿ Սյունիքի տարածաշրջանային մաքսատան պետի կողմից 18.11.2016թ. կայացվել են թիվ 48, 49, 50 և 51 որոշումները, որոնցով «Սմբատաբերդ» ԲԲԸ տնօրեն Մամիկոն Կարապետյանը յուրաքանչյուր որոշմամբ ենթարկվել է 50.000 դրամի չափով վարչական պատասխանատվության՝ ընդհանուր գումարով 200.000 դրամ:

Տվյալ դեպքում հարկ է նշել, որ 18.11.2016թ. կայացված թիվ 48, 49, 50 և 51 բոլոր որոշումներում նշված է միևնույն խախտումը, այն է՝ «Սմբատաբերդ» ԲԲԸ տնօրեն Մամիկոն Կարապետյանի կողմից «2016թ. հոկտեմբեր ամսվա չորս հատ վիճակագրական տվյալներից չորսը չեն ներկայացվել»:

Այս կապակցությամբ հարկ է նշել, որ Վարչական իրավախախտումների վերաբերյալ ՀՀ օրենսգրքի 35-րդ հոդվածի 2-րդ մասի համաձայն՝ եթե անձը կատարել է մի քանի վարչական իրավախախտումներ, որոնց վերաբերյալ գործերը միաժամանակ քննվում են նույն մարմնի (պաշտոնատար անձի) կողմից, տույժը նշանակվում է առավել լուրջ խախտման համար սահմանված սանկցիայի շրջանակներում: Այդ դեպքում հիմնական տույժին կարող է միացվել կատարված իրավախախտումներից ցանկացածի համար պատասխանատվության վերաբերյալ հոդվածներով նախատեսված լրացուցիչ տույժերից մեկը:

Հաշվի առնելով այն հանգամանքը, որ «Սմբատաբերդ» ԲԲԸ տնօրեն Մամիկոն Կարապետյանի կողմից կատարված իրավախախտումների վերաբերյալ գործերը միաժամանակ քննվել են նույն մարմնի (պաշտոնատար անձի) կողմից, նույն օրը, և վիճարկվող բոլոր որոշումներում նշված է միևնույն խախտումը, հետևապես քննարկվող դեպքում կիրառելի է Վարչական իրավախախտումների վերաբերյալ ՀՀ օրենսգրքի 35-րդ հոդվածի 2-րդ մասով նախատեսված դրույթը: Այսինքն՝ «Սմբատաբերդ» ԲԲԸ տնօրեն Մամիկոն Կարապետյանը վերոգրյալ խախտմաման համար ենթակա է վարչական պատասխանատվության՝ 50.000 դրամի չափով:

Ելնելով քննարկման արդյունքներից և ղեկավարվելով «Հարկային ծառայության մասին» ՀՀ օրենքի 43.1-րդ հոդվածի, «Մաքսային ծառայության մասին» ՀՀ օրենքի 37-րդ հոդվածի պահանջներով Հանձնաժողովը

ո Ր Ո Շ Ո Ւ Մ Է՝

Բեկանել ՀՀ ԿԱ ՊԵԿ Սյունիքի տարածաշրջանային մաքսատան պետի 18.11.2016թ. թիվ 49, 50 և 51 որոշումները և կարճել գործերը:

Հանձնաժողովի նախագահ՝



Վ.ՄԻՐՈՒՄՅԱՆ